

OKVIRNI SPORAZUM
SUKCESIVNA NABAVKA POGONSKOG GORIVA ZA MOTORNA VOZILA ZA
POTREBE UPRAVE POLICIJE MINISTARSTVA UNUTRAŠNJIH POSLOVA
KANTONA SARAJEVO (LOT 2)

Strane u okvirnom sporazumu:

- 1. MINISTARSTVO UNUTRAŠNJIH POSLOVA KANTONA SARAJEVO – UPRAVA POLICIJE, La Benevolencija br. 16, kojeg zastupa policijski komesar Generalni inspektor policije Nusret Selimović, (u daljem tekstu: Ugovorni organ)**
- 2. GREEN OIL d.o.o. Sarajevo, Marka Marulića 4, Sarajevo, ID broj: 4200851420006 kojeg zastupa direktor Reko Muhović, (u daljem tekstu: Dobavljač)**

Član 1.

Strane u okvirnom sporazumu saglasno konstatuju:

- da je Ugovorni organ u skladu sa Zakonom o javnim nabavkama ("Službeni glasnik BiH" broj: 39/14) proveo otvoreni postupak za nabavku pogonskog goriva za motorna vozila na lokaciji općine Novo Sarajevo (LOT 2) za potrebe Uprave policije Ministarstva unutrašnjih poslova Kantona Sarajevo, sa ciljem zaključivanja okvirnog sporazuma sa jednim ponuđačem na period od 12 mjeseci;
- Okvirni sporazum ne predstavlja obavezu Ugovornog organa na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog okvirnog sporazuma, u zavisnosti od potreba Ugovornog organa, a pod uslovima utvrđenim u ponudi ponuđača broj 469-12/20.

Član 2.

Predmet okvirnog sporazuma je utvrđivanje uslova za zaključivanje pojedinačnih ugovora o javnoj nabavci pogonskog goriva za motorna vozila na lokaciji općine Novo Sarajevo (LOT 2) za potrebe Uprave policije Ministarstva unutrašnjih poslova Kantona Sarajevo, u skladu sa uslovima iz tenderske dokumentacije, ponudom Dobavljača, odredbama ovog okvirnog sporazuma i stvarnim potrebama Ugovornog organa.

Količine navedene u specifikaciji su okvirne i vrijede za vrijeme važenja okvirnog sporazuma.

Član 3.

Ukupna vrijednost ovog okvirnog sporazuma bez PDV-a (sa uključenom taksom) iznosi 67.141,67 (šezdesetsedamhiljadastotinučetrestjedan i 67/100) KM.

Tokom trajanja okvirnog sporazuma i u okviru njega zaključenih pojedinačnih ugovora, isporuka goriva će se vršiti po ponuđenim cijenama umanjenim za procenat umanjenja postignut nakon e-aukcije (ugovorenim cijenama). Isporuka po tim cijenama se vrši sve dok su odstupanja prosječnih potrošačkih cijena goriva u mjesecu za koji se vrši fakturisanje u odnosu na prosječne potrošačke cijene goriva u mjesecu kada su otvorene ponude, jednaka ili manja od +/-5%.

U slučaju da, u mjesecu za koji se vrši obračun, prosječna potrošačka cijena pogonskih goriva za motorna vozila koji su predmet okvirnog sporazuma, odstupa za više od +/-5 % u odnosu na prosječnu potrošačku cijenu tog goriva u BiH u mjesecu u kojem su otvorene ponude, dobavljač ili ugovorni organ mogu tražiti korekciju cijene goriva za taj mjesec.

Korekcija ponuđene cijene vrši se u procentu (+ ili -, zaokruženo na dvije decimale) za koji je promijenjena prosječna potrošačka cijena za mjesec u kojem je gorivo isporučeno u odnosu na prosječnu potrošačku cijenu u mjesecu u kojem su otvorene ponude.

Korekcija se vrši u odnosu na cijenu ponude postignutu nakon e-aukcije (ugovorenu cijenu).

Podaci o promjenama prosječnih potrošačkih cijena motornih goriva dostupni su na web stranici Agencije za statistiku BiH.

Ugovorni organ će pribaviti od Agencije za statistiku BiH podatke o prosječnoj potrošačkoj cijeni predmetnog goriva za mjesec u kojem su ponude otvorene, iste će biti sastavni dio okvirnog sporazuma.

Podaci o promjenama prosječnih potrošačkih cijena goriva pribavljaju se u pisanoj formi od Agencije za statistiku BiH, samo u slučaju kada se podnosi zahtjev za korekciju cijena.

Podatke od Agencije pribavlja strana koja podnosi zahtjev za promjenu cijena. Dobijeni odgovor od Agencije u originalu ili ovjerenoj kopiji dostavlja se i drugoj ugovornoj strani, uz zahtjev za korekciju cijene. Druga ugovorna strana pismeno potvrđuje prijem zahtjeva. Korespondencija vezana za korekciju cijene postaje sastavni dio okvirnog sporazuma.

Na osnovu podataka Agencije za statistiku BiH o prosječnoj potrošačkoj cijeni goriva utvrdit će se koeficijent povećanja ili smanjenja prosječne potrošačke cijene goriva (Dizel gorivo BAS EN – 590 EURO 5 i BMB – 95 BAS EN 228) prema sljedećoj formuli:

$$K = \text{PPC} / \text{PPCP}$$

Pri čemu je:

K – koeficijent povećanja ili smanjenja cijene

PPC – prosječna potrošačka cijena goriva za mjesec za koji se traži korekcija cijene (iz pisanog odgovora Agencije za statistiku BiH)

PPCP – prosječna potrošačka cijena goriva za mjesec u kojem su ponude otvorene

Na osnovu utvrđenog koeficijenta utvrđuje se nova cijena goriva, tako što se utvrđeni koeficijent pomnoži sa cijenom postignutom nakon e-aukcije.

Za svaki mjesec u kojem se obračun treba vršiti uz primjenu koeficijenta povećanja ili smanjenja ugovorene cijene, zainteresovana ugovorna strana pribavlja odgovor Agencije za statistiku BiH o prosječnim potrošačkim cijenama za taj mjesec i podnosi zahtjev za promjenu cijena drugoj ugovornoj strani.

Za mjesec u kojima je odstupanje prosječnih potrošačkih cijena goriva u odnosu na prosječne potrošačke cijene goriva u mjesecu u kojem su otvorene ponude, manje ili jednako +/-5 %, isporučeno gorivo će se fakturisati po ponuđenim cijenama umanjenim za procenat umanjenja postignut nakon e-aukcije (ugovorenim cijenama).

Član 4.

Pojedinačni ugovori unutar Okvirnog sporazuma mogu se zaključivati samo do iznosa ukupne vrijednosti Okvirnog sporazuma, dakle okvirni sporazum prestaje sa važenjem utroškom cjelokupne vrijednosti Sporazuma i ne može premašiti ugovorenu vrijednost na koju je Okvirni sporazum sklopljen.

Ukoliko Ugovorni organ potroši svoja naprijed navedena sredstva za realizaciju predmetne nabavke i prije isteka roka na koji je sklopljen Okvirni sporazum, isti će se smatrati automatski raskinutim sa danom posljednje izvršene isporuke, odnosno plaćanja fakture za isto.

Nakon zaključenja okvirnog sporazuma, ugovorne strane će zaključiti pojedinačne ugovore o javnoj nabavci.

Pri zaključivanju pojedinačnih ugovora, ne mogu se mijenjati bitni uslovi iz ovog okvirnog sporazuma.

Robe iz člana 2. ovog okvirnog sporazuma će se isporučivati sukcesivno, u skladu sa potrebama Ugovornog organa.

Član 5.

Dobavljač je dužan da Ugovornom organu, za isporuke tokom jednog kalendarskog mjeseca, ispostavi zbirni račun. Uz račun je dužan priložiti pregled (količinu i vrstu izdate robe, datum izdavanja, registarski broj vozila) izdatog/kupljenog pogonskog goriva.

Ugovorni organ će ugovorenu cijenu plaćati Dobavljaču u roku od 30 (trideset) dana od dana dostavljanja uredne fakture i ovjerenih naloga za izdavanja goriva, na tekući račun Dobavljača.

Član 6.

Ugovorni organ će dostaviti Dobavljaču spisak vozila sa registarskim oznakama za koja se mogu vršiti isporuke robe koja je predmet ovog okvirnog sporazuma.

Član 7.

Dobavljač se obavezuje da ugovorenu isporuku izvrši u svemu prema tehničkoj dokumentaciji, propisima, standardima i normama kvaliteta koji važe za vrstu roba koje su predmet nabavke.

Obavezuje se da osigura kvalitetu robe u skladu sa važećim standardima i da posjeduje certifikat/potvrdu o kvaliteti goriva izdatu od nadležnog ovlaštenog organa u Bosni i Hercegovini.

Član 8.

Ukoliko poslije zaključenja ovog okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih Okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Strana u okvirnom sporazumu pogođena višom silom odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 9.

Dobavljač se obavezuje da će isporuku roba vršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta isporučene robe.

Ugovorni organ je dužan dostaviti pismeno obavještenje o svakom propustu Dobavljača.

Ugovorni organ će utvrditi razuman rok za ispravak propusta Dobavljača u smislu isporučene robe.

Član 10.

Ovaj okvirni sporazum se zaključuje na period od 12 mjeseci, a stupa na snagu danom obostranog potpisivanja.

Član 11.

Dobavljač nema pravo zapošljavati, u svrhu izvršenja Okvirnog sporazuma i unutar njega zaključenih pojedinačnih ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija ugovornog organa za javne nabavke, najmanje 6 (šest) mjeseci po zaključenju ovoga okvirnog sporazuma, odnosno od početka realizacije Okvirnog sporazuma.

Član 12.

Na sva pitanja koja nisu regulisana ovim okvirnim sporazumom, primjenjivat će se odredbe Zakona o obligacionim odnosima.

Član 13.

Sporazumne strane mogu raskinuti ovaj okvirni sporazum i prije njegove realizacije, ukoliko se jedna strana ne bude pridržavala njegovih odredbi, uz prethodno izmirenje svih obaveza utvrđenih po ovom sporazumu. Otkazni rok je 15 (petnaest) dana, a po isteku ovog roka Okvirni sporazum se smatra raskinutim. O otkazu sporazumne strane se obavještavaju pismenim putem.

Član 14.

Eventualno nastale sporove pri realizaciji ovog okvirnog sporazuma, strane u Okvirnom sporazumu će rješavati sporazumno, a ukoliko to nije moguće, utvrđuje se nadležnost Suda u Sarajevu.

Član 15.

Ovaj okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.

DOBAVLJAČ
GREEN OIL d.o.o Sarajevo



direktor Reko Muhović

UGOVORNI ORGAN
MUP KANTONA SARAJEVO
UPRAVA POLICIJE



POLICIJSKI KOMESAR
Generalni inspektor policije
Nusret Selimović

Broj: 37-02/20
Datum: 09.02.2021

Broj: 02-11-4-4864-12/20
Datum: 09.02.2021. godine